

樊榭山房全集

冊五

卷一百一十五

三

樊榭山房續集卷第四

錢唐 厲 鶚 太鴻

詩丁

同方西疇閔玉井陸渟川自紗帽洲江行
至青山作

萬頃琉璃一色鋪天教晴意上殘蘆乾坤雙眼人
將老風景千年世不殊建業水從全楚下佛狸祠
近暮山孤明朝期我蕭齊寺還有金焦腳力無於
庚戌晚秋游京口
三山已十四年矣

泊龍潭聯句

渡江已一舍鶚入港逢三叉樹隱塔突兀玉井帆

轉山谿訝鷺影過秋水鶚雞聲隔蘆花斜陽半峯

色華小泊依人家鶚

宿攝山渡

沿流望繖山亭亭行臚首疎雲翳其巔零落古渡口清月出復翳風燈照衰柳平生江乘夢三數未曾有人語潮生時雞鳴霜落否輾轉候天明披烟偕勝耦

游攝山棲霞寺留止三宿得詩三首

諸峯圍圓天青蒼不容罅廣塗入香門正殿儼雲架有懷明徵君高躅久代謝山靈收積雨松風本無價東嶺鳥道通一一嵌精舍澗泉杖底鳴苔龕石面亞遐哉齊帝子佛事壯堪詫維時秋冬交黃葉滿衣下似曾識前生肯負雙不借

初爲棲霞宿孤月似留客裴回出東峯已覺林際白共坐疎松陰滿地橫畫格山深風早寒諸天去

咫尺倚杖聞微鐘瘦影寫巖石默數清境最迴與
下界隔長嘯援鳥驚今夕是何夕

朝光蔽深竹陰生西谷西細路僅一線旁有百尺
谿岌岌石相倚其色蒼而驚歲晏水脈斷不見下
飲霓高巖蘚蝕字漫滅二徐題誰爲噉名者更鑿
青雲梯取道中峯半俯視衆岫低峯腋松雨來江
光忽淒迷詎敢惜霑溼明晦態不齊策勛木上座
絕險相提攜

攝山雜詠十二首

明徵君碑

唐高宗御撰相王府
侍書高正臣奉敕書

居士八辭徵異代動帝王侍書筆有神磊落載天
章商略拓翠墨用實歸時裝

舍利塢

隋文遺浮圖石函瘞雲嶠下鑄佛涅槃繪事顧陸
肖奈何完顏軍缺落付劫燒

品外泉

引杖試靈源暗筭通積霽仰出石蓮花珍池似阿
耨我來爲品題清寒不可漱

千佛嶺

偃松列如幢層累得殊勝二分趾外垂偃僂上危
磴初日照金容高下眩難定

翠微菴

霜風放嚴晴墮葉雨無極隔籬禮磬聲不改翠微
色揖客登僧樓轉覺嵐陰逼

中峯澗

蔓壑一枝水遠自中峯吐隔竹鳴佩環絕憶柳州

語僧房靜夜聞月來風起處

試茶亭

言尋白乳泉臯盧未攜至不見試茶亭空留試茶
字猶勝徐十郎山前設茶肆

般若臺

精廬黃葉中閒以修筠裹般若本非臺蒲團銷七
箇乞我佛前燈中宵吉祥臥

天開巖

絕徑上厓屢剗削無堅頑一檣橫舄下南宗著色
山高空指飛鳥遠自蔣陵還

白鹿泉

泉上有明李言恭篆書三字

澄泓浸山腹天影露半珪傳聞初開日雪色飲伊
尼誰知臨淮侯興與桑苧齊

靳尚祠

楚臣佩茝施林表曾現形自受度師戒不食江魚
腥我非離憂客坦步半山亭

白雲菴

林深老屋斜日落山風大一僧拾橡歸延客聽虛
籟爲憶曾游人迢迢白雲外

謂嶠谷半查雨君

留別棲霞寺久林禪師

幽尋不惜路岐遙冷淡家風久寂寥洞上禪燈今
再續山中浴鼓早相招髮分艾色知同歲手指松
根話六朝別後茫茫隔烟水寄書何處附歸樵

予同壬申生

次韻樊榭居士山中留別

釋界清 久林

白雲紅葉隔城遙日掩禪關臥寂寥苔逕偶因

高士埽幽人不待野僧招
欣登峻嶺參千佛
笑看蒼松問六朝
此去金陵多勝蹟
新詩惠我寄山樵

自棲霞至金陵道中有梁始興王憺安成
王秀吳平忠侯景墓石麒麟墓碑猶存蔣
王廟在鍾山之麓太平門外城下卽後湖
也得四絕句

巢烏送客又飛還
霜樹參差古路閒
偷得定林詩裏景
蹇驢滿意看鍾山

梁朝遺跡未銷磨
運去王侯可若何
突兀田閒牛礪角
閱人誰似石麟多

顰顰吟鞍拜蔣王
雲旗髣髴護重岡
不教廟額仍稱帝
豈爲流聞望子香

薄日殘雲黯欲晡
避人漁艇占枯蒲
城根斷續明流水
不問心知是後湖

登清涼寺

寺爲李後主避暑宮

石城山上寺云是李王宮
路折三休至江橫萬里通
吳帆如鳥白楚樹入雲紅
竟日同吟眺秋衣不耐風

秦淮懷古四首

佳麗江山入暮秋
秦淮從古擅風流
殘陽半隔烏衣巷
綠水斜通白鷺洲
事去興平空拜爵
天亡歸命不成侯
當年大有傷時語
一曲清歌在漏舟
回首中原接戰塵
但誇天塹渡無因
阿誰肯墮新亭淚
有客猶尋舊院春
會冠蓮臺王學士
名喧桃葉顧夫人
蛾眉前後皆奇絕
莫怪羣公欠致身

南都近事鬪妍華北里妝成勝若耶妙妓新羣吟
蛺蝶君王特敕問蝦蟆匆匆時節爭鉤黨草草兵
戈散內家贏得渡頭殘柳在瘦腰無力倚風斜
女牆東畔足流連只少劉郎好句傳長板橋空餘
舊月回光寺古賸寒烟荒畦盡種瓢兒菜樂府新
停燕子箋聞道樵童閑換酒井中淘得墜金鈿

宿長干寺僧房

閑房晏坐處幽絕到何曾小飢因耽靜清談嬾對
僧香焚石上月墮禮樹閒燈此地秋堪餞吟成秋
卷棱

歸舟江行望燕子磯作

石勢渾如掠水飛漁罾絕壁挂清暉俯江亭上何
人坐看我扁舟望翠微

洪熙古刺水歌同全謝山作

銅罐上刻云洪熙元年熬

造古刺水一罐淨重八兩罐重三觔

哀牢九隆漢所開唐代六詔爭喧逐王斧畫河段

氏立阿禮殉節梁王摧濠梁真人設郡縣炎徼西

南俱革面分司古刺始羈縻永樂四年大古刺土

宣慰司又立小貢琛莽怕旋來見洪熙元年底馬

古刺長官司刺司妹婿跌取寶船回恤遠夷萬方輻輳仁宗時

倒莽怕入貢此香不減芬陀味此水應超蘇合池甲煎百和花

盈缶六一泥封篝火後斑衣染麝鑱耳酋珠絡挈

餅馬郎婦熬成細字鑄青銅進入春風生六宮一

灑羅衣長不滅氤氲願與君恩終可憐債帥如香

尉購得朱門媚權貴分宜遺臭塞兩儀當時壓倒

龍涎氣籍沒嚴氏有洪熙宣枕頂餘芳世廟修御

衣小炷純皇留南都譜記春橋顧勛戚方傳恭順
侯華胥舊事無人識流落江南并江北金仙鉛淚
一函中夢破香銷彈不得

浮山禹廟觀山海經塑像三十韻

淮海皆平壤隆然片石支中央居混沌明德鎮阼
危不共羅山合還同息壤遺媪神唐日觀江水漢
家祠永永尊文命湯湯罷怨咨徽形猶帶瘦高棟
反如卑柏翳承虛寢狂章侍玉墀風雲生恍惚土
木出恢奇憶昔鴻荒遠寧安婦子熙神姦渾不辨
人獸互相欺枯步窮乾奧方祇駭地維蛇操何蚘
繆鼈扑更躓踞林出刑天舞巖藏貳負尸應龍飛
有翼精衛溺堪悲博物推中壘傳芭望少姨兒坪
終古詫母石至今垂經可百蟲證功堪四載追解

裳嗤適裸鑄鼎訝逢魑定括河圖象徒聞太史疑
規摹非近事指點立多時六月當初降千村走禱
祈笙鏞應閒作巫覡尙謳思瓜蔓前年決魚頭萬
室爲空紆謁者策屢費大農資呵壁吾將問拳莢
且補瘡牙鬚雄此輩秘怪孰攸司落照明低塔寒
飈響女陴惠之前有塑靖節後無詩沃野居難卜
丹止到未遲如聽赤繚使歷歷話幽姿

集方環山齋題明寧獻王畫

寒齋延明曦壁訝數峯接其下松檜陰鬬水穿石
摺巖扉中有人停琴展幽牒侍立雙玉童衫袖空
翠裏我疑盧鴻一期仙磴可躡諦觀出寧藩珍重
墨林笈高皇十七子龍種何蹀躞晚年慕沖舉自
抑金川捷倖非七國敗思與八公揖此圖寓意耳

深蘿神隱愜渾如匡廬雲尚裊草堂頗太息南昌
城空宮填落葉

金陵移梅歌爲嶰谷半查賦

小玲瓏山館隙地高高下下多種梅主人性癖愛
奇古更令遠訪江之隈蔣陵氣暖首靈谷花匠家
多住鳳臺根蟠數世仍護發萼點十月先含胚殷
勤揀取六七十本乘濤東下將春回江神豈是妬花
者魚龍鼓鬣揚其頰封姨拗怒得無恙園丁上番
工移栽南枝記取解束縛凡卉見之皆輿僮清泉
百道足生意微陽潛伏扶新萼西疇居士稱好事
行廚招客銜深杯酒闌客起寒月上疎影一一堪
疑猜挨石翳鬢鎖水怪循牆屈曲藏凍虺預想他
時雪滿眼彷彿此際香橫苔不須健步煩杜老芳

心更用狂吟催

冬日同人游廣陵北郊作

出郭少塵事短晷殊清嘉輕冰犯孤艇敗柳何鬢
髭捨之度蜀岡一徑縈修蛇環溪有小築宛似甫
里家不放能言鴨但種凌風花新春飽香稻餘力
窮幽遐偕行陶謝手畫意看盤車人影殘陽裏輾
轍誰能遮紆回堡城曲高下新塘窪往者李鐵槍
於此紛攫拏臨安運未畢紅襖歸泥沙晚入鐵佛
寺竹間見餘霞老僧指廢殿猶以楊吳誇英雄三
十六寂莫盤昏鴉何況墟墓間陳人去如麻茫茫
識誰氏旣朽同浮苴吾儕稱達者野飲興倍加吟
作隨意詩醉墨風中斜

十一月十三日廣陵紀事戲答諸同人作

二首

豈是風懷尚未衰，鬢絲禪榻已心灰。恐教人種年

來失，又遣香車客裏催。名士肯分閑館貯，謂蠡谷半查

詞流許借聘錢來。謂恬齋西疇南圻漁川居然添得詩家事

不比金釵二十枚。用南史周盤龍事

廿年書劍兩無成，贏得江淮作達名。盛德何傷笑

安石，閑情不礙賦淵明。占香夢驗消寒夜，爲客心

酬舊雨聲歸到故園春。正早玉梅花暎綺窗橫。緯略

引夢書云夢得香物婦人歸也

邗溝廟

邗溟一道到江迴，遺構何年亦壯哉。越國已將藏

甲賀，晉人曾見好冠來。祭餘稻蟹猶風俗，夢斷梧

桐有劫灰枕撲早知從直諫，中原牛耳得追陪